

www.BibleForChildren.org

Mëccëe 26



Yéesu ka'ta
Bétanii, ga daa
Lasaa', yaa ya
mílísdee dëkohda, lak
tes ga bes ciyitniinoo Paakaa
yaawúu'caa le'. Waa ennda
da, Mëri bebpa iñaa hín
na le'-líita' ga la'koleñ
wiséerí' waa koocussii ee
hëwrohu kedikkaa wo'u naa'. Ya
iiffawa ga kotcaa Yéesu, lëehí'ta ya
yaa moosca na fenfaagari. Kaanfaa
béeb eeñja ban na ngetaa la'koleña.



Waa ennda da, yíinoo ga bidaankaah na banakbaa,
Yúdaa Iskariyot, ka'ta ga sarahohcaa biyaakbaa
kiwo'ba kitoon Yéesu. Daa ba
kelohee iñaa ya wo'da,
keeñcaagaba soossa ga, bi
ba dínngari hēelís. Yúdaa
yaa heel besaa ya jekelukan
bi ya mín kitík
Yéesu ga yahba.



Tëelíbéecaa tumussa iñaa Yéesu
nakeebada, ba waayukka Paakaa.
Yéesu bebpa mbúurú lak ba baa
ñam, ya gërëmmba Kooh, lëehí'ta
ya weellawa, e'tawa tëelíbéecaa,
wo"aba an: - Bewat dú ñam, iñii yii
faanfiigoo fërí!



Lëehí'ta ya bebpa kaas-biiñ, ya
gërëmmba Kooh, lëehí'ta ya
e'tawa tëelíbéecaa, wo'aba an:
- Anat ga dú béebpúu, ndaga iñii
yii ñífiigoo wërí, ñífii pok
kifiiliimunkiigarúu na Koohda, ee
wa aamdu bo' biyewin doonaa ba
bayalu baakaa'caagaba.



Yéesu wo"a an: - Simon, Simon! Malka: Seytaani kím an dú onussi ya lassúu fodii baa las tohoo. Wayee mi kímɗinndaa Kooh doonaa ngëmum fu laak garooda leehoo. Ee binaa fu boykis garoonaa, leenaa baataa dooli buwaa fu bok naba ngëmɗa.



Pee' wo''ari an: - Ha'mudii, mi pari'in ki'en naraa bi ga kitëcu ga kasu wala ki'apu. Yéesu taassari an: - Pee', mi wo''aa an bi siik-pabu kon watinaa fu hay kitaasuk ki'ínohhoo bi en waas kaahay.



Wa ennda da, Yeesu na
teelibeecaagari karussa
dekataa wo'u

Getsemanee, ya wo'a
teelibeecaagari an:

- Yugat dii, mi paaf fikii
kikiim Kooh. Ya wo'ee
an: - Abaa Buba, inaa en
beeb minkin garaa,
usaaydaa kaas-coonii wii
garoo! Wayee hanat ki'en
inaa mi waa' wayee inaa
fu waa'da laakat.



Yúdaa nak ka'ta da, taam na bisoldaa' na bíbo' ga
buwaa watuki ga Kaanfaa Koohda, baa sarahohcaa na
Fërísiyeencaa ebilee ba taam narida. Ba bayya
ga yahba lúsee-kiwii, lampu, na kalab. Yíinoo
gaba meydohha kalabfaagari, yobpa
súrgaa baa kuliyukee ga
sarahohcaa biyaakbaada, gú'ta
nofaa ñaabaa. Wayee Yéesu
wo"aba an: - Íisat, dooyin.
Ya le"a ga nofaa baa, wa
íkukka ga daa wa eneeda.




Ba ammba Yéesu, ba bayyari kaanfaa sarahohaa kuliyyuk ga sarahohcaa biyaakbaada. Pee' yaa taabukba di'úsaayí'. Kiwii taalseera ga leeloo hëtaa kaanfaa, Pee' hayya, yunnga ga duuy buwaa wíilkada.




Wiima ban, ga
súrgacaa ha'-kaadaa
sarahohcaa, laakka ga
yíinoo ee bokoh na baa
Pee' gúree nofaada. Ya
wo"a Pee' an: - Mi hotéeríiraa
nari ga duuy yoon-dëraane?
Pee' dalla kitaasukis. Ya yaa
lëehí' kiwo' rek, laakka siik-pabaa
kon. Ya meyca kaanfaa, yaa
koduk mooncaa leehoo.



Waa ennda da, bu-paanaa béebba kolukussa, bayussa Yéesu ga Pílaat. Pílaat meekissa Yéesu an: - Fu yëri en buurii yaawúu'ciine? Yéesu taassari an: - Fu wo'inka. Pílaat baatta kiwo'is na buwaa ndaga ya waaree ki'íis Yéesu. Wayee baa fiip didóolí' an: - Daayaari ga kuraa! Daayaari ga kuraa!



Waa ennda da, Pílaat tíkka
Yéesu ga yahba ba daayneeri
ga kuraa . Soldaa'caa abussa
Yéesu ba baa yah nari. Yéesu
koorukka kuraanaagari na
kihafci, meycā teeraa kiyah
dekataa teeku Loon-haf ee wërí
en ga ki'Ebërëe Golgotaa.




Daama soldaa'caa daayussa Yéesu ga
kuraanaa. Ba daayca ban bo' banak
biliis ga yahaaci, yaa en
béeb ga Kura: yii
hanohhari
yah-ñaam,
yíinoo
hanohhari
yah-seŋ.
Yéesu ennda ga le'naa.



Ga bak mídí, nohaa ɗaakukka, ñúus wiyaak laakka ga ɗuuy kúlkaa béeb, abohha ga wahtaama bi ga wahtu kigoonaluk. Rídoonaa ɗaak ɗekataa wisela'í'waa ga Kaanfaa Koohɗa, ɗa'ta ga le'naa.

Yéesu fiippa didóolí' an:

- Buba, mi yii tík fítiigoo ga yahfu. Daa Yéesu wo'ee wo'eencaama, ya lëehɗukka.



Yoseef ee dëk teeraa Arímatee,
hayya. Iñaa bo' yiyaak ga buwaa
bok ga paanaa yaawúu'caa
wiyaakwaada. Ee ya ban
ya sekee Nguuraa
KooH. Ya laakka fít
kika' ga Pílaat
kimeekisohhi
faraaffaa Yéesu.

Yoseef lommba
piis fodii mēlíkaan,
yóoskí'ta Yéesu ga
kuraanaa, múullari ga
piisaa, lēehí'ta
faanneerari ga
noŋ-loyaa yotu ga atoh.
Lēehí'ta ya pírgínnda
atoh wiyaak, lannga
halaa loyaa.



Ga kooh-wíisfaa tík ga besaa
waayukaa Sabatda,
sarahohcaa biyaakbaa
na Fërisiyeencaa
hayussa ga Pílaat.



Ba wo"ari an: - Kiyaakii, dí níndísukin
an baa yaama wo'oo kayohda,
wo'eera lak ya yaa lís
kipes an: «Tík ga bes
kaahayaa mi hay
kimílís», kon ebilaa
bíbo' ba watuk loyaa
dii bi ga bes
kaahay.



‘Ba ka'ta kimalak ga daa loyaa manda,
ba tummba lëdí' ga atohaa
lanwada doonaa baa le'
ga tóoh bo' ínoh. ‘Ba
foñnja soldaa'caa
daama, baa watukwa.



Teel ga kímáa dímaasaa, lak
besaa Sabat paafin, Mërí yaa dëk
Makdalaada na Mërí yaa
yíinooyaa, karussa
kimalaknee loyaa
Yéesu.



Kakayfaa dalla kiyëngëluk didóolí',
laakka malaakaa Kooh yoosukoh
asamaan, ya pírgínnda
atohaa wiyaakwaa lagohsee
loyaada, ya yunnga
ga dook gaa. Buwaa
watukee loyaada,
títussa bi baa
kaanan.



Wayee malaakaa wo"a beticaa an:

- Kaa tíitat, mi ínohin an dú raas

Yéesu yaa daaysee ga
kuraanaada. Ya enissii dii.

Ya mílisiin fodaa ya
wo'EEKADA. Hayat gii,
dú malak dii ya
faanseeda.



Ɓeticaa gaawussa kimey loyaa. Ɓa tiiteera wayee keeñba sooseera lool ban. Ɓa baa fool kiyéegal tëelíbéecaa Yéesu iña hewda. Balaa ba le'anaa, Yéesu hídohha naba, wo"aba an:
- Mi yii kēñí'túu. Ɓeticaa deeyussa gari, ηluucukussa ga kotcaa, baa jaamukki.





Yéesu méeñdohha kiteewukoh ga tēelíbéecaa bidaañkaahbaa na yíinooyaa, lak ba en na kiñam.

Yéesu ña'taba ga daa ba gēmmbiida, na daa ba yégís ga keeñ bi ba tookkii kigēm wo'eencaa buwaa hotti, lak ya mílísinda. Waa Yéesu, Ha'mudii, lēehí'ta kiwo' naba fodaama, ya bēwírussa, aawwa asamaan, ee ya yugohneera Kooh ga yah-ñaabaagari.



Ndaga Kooh waa' bu-ëldúna hen
bi, ya erohha Kowukiigari ya
laak donḡa, doonaa béeb baa fu
gëm gakanaa, fu san̄ku'oo,
wayee fu laas ga kipeskaa
leehoo taa'da.



Room 3:23

En ki'ena, béeb buwii bërí tum baakaa', ee ba meydohin
hafba ga ndamaa Kooh.

Room 6:23

Fayaa baakaa' wërí en kikaan; Kooh nak, iña ya onoh ee
meekissii ken dara gada wërí en kipeskaa leehoo taa' ga
Yéesu Kiristaa, Ha'mudiigaruu.

Yaawúu'caa 9:27

Waa baa en tooh hay kikoo' ga kikaankii waas kíinoo,
lēehíraa ya atti'u,



Efees 2:8,9

En ki'ena, kijofkaa Kooh kəri múlsallúu kooroh ga dii dú gëmin garíða. Iñaama meyohhii garúu, Kooh yëri onndúuka. Enndii tumeenciigarúu tah iñaama kilaak. Kon ken hanat ga kindamuk.

Room 10:9,10

'Béeb baa fu wo' ga kúuwfu, ga fíkii buwii, an Yéesu yëri en Ha'mudii, ee fu gëm ga keeñaagaraa an Kooh mílísɗinndinaa, Kooh hayyaa kimúsal. En ki'ena, baa gëm ga Yéesu ga keeñaagarinaa, Kooh hayyi ki'aboh bo' yijúwí' ga fíkíici; ee baa wo' ga kúuwci an Yéesu yëri en Ha'mudiinaa, Kooh hayyi kimúsal.



San 3:16,17

Ndaga Kooh waa' bu-ëldúna hen bi, ya erohha Kowukiigari ya laak donɗa, doonaa béeb baa fu gëm gakanaa, fu sanƙu'oo, wayee fu laas ga kipeskaa leehoo taa'ɗa. En ki'ena, Kooh wossii Kowukiigari ga ëldúna ki'atti' bu-ëldúna, wayee ya woska ka músal bu-ëldúna.

1 San 5:11-13

Iñii yii yëri en iñii Kooh seedi'ɗa: Ya oninnduu kipeskaa leehoo taa', ee kooroh ga Kowukiigari, ɗu laassa ga kipeskiima. Béeb baa enin wíinoo na Kowukii Kooh, laasin ga kipeskii, ee baa enndii wíinoo na Kowukii Kooh, laassii gaka. Mi bínndúu iñcuma tóohca ɗú bii ɗú gëmin ga teekii Kowukii Koohɗa, doonaa ɗú ínoh an ɗú laasin ga kipeskaa leehoo taa'ɗa.



Mëccëe 26-28; Lúkkaa 22-24; Saŋ 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Noon NT (snf) © 2012, Wycliffe Bible Translators, Inc.
All rights reserved.

<https://www.bible.com/bible/1646/MAT.1>

©2025 Bible for Children, Inc.

www.M1914.org

www.bibleforchildren.org

